

## Evening Dogri (NSD) Bulletin 22-03-2024

### आकाशवाणी

#### खबरां ----

1. भारत ते भूटान नै अपनी सांझ-भ्याली गी होर तगड़ा बनाने लेई केई सैहमति पतरें पर अज्ज दस्तखत कीते न।

2. भूटान नरेश जिगमे खेसर नामग्याल वांगचुक होरें अज्ज प्रधानमंत्री नरेंद्र मोदी होरें गी भूटान दे सब्बने शा बड़ो नागरिक सम्मान The order of the Druk Gyalpo कन्नै सम्मानित कीता ऐ।

3. दिल्ली दे मुखमंत्री अरविंद केजरीवाल होर अज्ज रोज़ एवेन्यू अदालतै च पेश होए। प्रवर्तन निदेशालय नै दिल्ली आबकारी मामले च उंदी 10 दिन दी हिरासत मंगी।

4. चुनांस आयोग 2024 आले लोकसभा चुनांस लेई तयार आयोग नै चुनाएं गी आजाद निर्पक्ख ढंग्गै सिर करोआने लेई 2100 निगरानें दी टीम तैनात कीती।

5. भारती अंतरिक्ष अनुसंधान संगठन इसरो नै अपने परतियै इस्तेमाल होई सकने आले Reuseable Launch व्हीकल दी कामयाब लैंपिंग दी उपलब्धि हासल कीती ऐ। सूचना ते प्रसारण मंत्री अनुराग सिंह ठाकुर होरें साईसदानें गी मुबारकबाद दिती ऐ।

6. भारती जनता पार्टी नै औंदे लोकसभा चुनाएं दे मद्देनजर 15 मेदवारें दी अपनी इक होर सूची जारी कीती।

<><><><><><>

**PM-Bhutan**

भारत ते भूटान बश्कार अज्ज आपूं चें दी सांझेदारी गी होर मजबूत करने आस्तै केई सैहमति पत्रें उप्पर दस्तखत कीते गो। एह् समझौते भारत दे प्रधानमंत्री नरेंद्र मोदी ते भूटान दे प्रधानमंत्री शेरिंग तोबगे हुंदी मजूदगी च होए। दोनें पक्खें बश्कार पेट्रोलियम ते तेल दी आपूर्ति, उर्जा दक्षता च सहयोग, खेड्ठ ते युवाएं ते औषधीय उत्पादें दे परीक्षण सरबन्धी केई समझौता जापनें दा आदान-प्रदान कीता गेआ। एह्दे अलावा अंतरिक्ष सहयोग पर बी सांझी कार्ययोजना पर सहमति बनी। भारत दे राश्ट्री ज्ञान, नेटवर्क ते भूटान दे डुक रिसर्च एं एजुकेशन नेटवर्क बश्कार सहकर्मी समझौते गी परतिए नमें सिरेआ करने बारै बी आदान-प्रदान होआ। प्रधानमंत्री होर अज्ज बड्ठलै 2 दिनें दे सरकारी दौरे पर भूटान पुज्जे हे। पोशे हवाई अड्डे उप्पर पुज्जने

पर श्री मोदी हुंदा भूटान नरेश होरें निग्गा स्वागत कीता। प्रधानमंत्री होर कल चिम्पु च इक अस्पतालै दा उद्घाटन करडन। भलेयां आधुनिक तरीके दा एह अस्पताल भारत दी सहायता कन्नै बनाया गेदा ऐ। भारत इसलै भूटान दे समर्थ विकास उप्पर कम्म करा'रदा ऐ जिंदे च पन बिजली परियोजना, षिजिटलीकरण, सेहत ते शिक्षा जनेह खेतरें दियां केईं परियोजनां शामिल न। एहदे कन्नै गै भारत ई-बिजनेस नेशनल सिंगल विंणो ते होर दुई राश्ट्री सेवाएं ते षिजिटल स्कूल जनेह खेतरें च बी भूटान दी सहायता करा रदा ऐ।

<><><><><><>

**PM-Order of Drunk Gyalpo**

प्रधानमंत्री नरेंद्र मोदी हों गी भूटान दे सर्वोच्च नागरिक पुरस्कार the Order of the Druk Gyalpo कन्नै सम्मानित कीता गेआ। भूटान दे नरेश जिग्मे खेसर नामग्याल वांगचुक हों अज्ज थिम्प च प्रधानमंत्री हों गी एह पुरस्कार प्रदान कीता। इस मौके उप्पर बोलदे होई श्री मोदी हों आखेआ जे एह उंदे जीवन दा बड़ा बड़ा दिन ऐ। उनें आखेआ जे हर पुरस्कार अपने आप च बड़ा खास हुंदा ऐ, पर जिसलै दुए देश थमां कोई पुरस्कार थहोंदा ऐ जियां दवै देश सेही रस्ते उप्पर अगगै बध रदे न। उनें आखेआ जे एह पुरस्कार उंदी निजी उपलब्धि नेई बल्के भारत ते 140 करोड़ देशवासियें दा सम्मान ऐ।

<><><><><><>

**Kejriwal-ED**

दिल्ली दे मुखमंत्री अरविंद केजरीवाल अज्ज Rose Avenue अदालत च पेश होए। प्रवर्तन निदेशालय नै दिल्ली आबकारी मामले च उंदी 10 दिन दी हिरासत मंगी। निदेशालय दे 9 समन नजरअंदाज कीते जाने मगरा एह कार्रवाई कीती गई ऐ। एहदे थवां पैहले अरविंद केजरीवाल होरें आबकारी नीति कन्नै जुड़े दे रपे पैसे दे हेर-फेर सरबंधी मामले च प्रवर्तन निदेशालय आस्सेआ गिरफ्तारी खिलाफ अपनी याचिका सर्वोच्च अदालतै थमां वापस लेई लैती। केजरीवाल हुंदे अधिवक्ताएं आखेआ ऐ जे ओह नमीं याचिका कन्नै अदालतै च परतोने थवां पैहले ट्रायल कोर्ट सामने रिमां कार्रवाई गी चुनौती देग। केजरीवाल होरें गी कल उंदे घरै पर तलाशी लैने मगरा रातीं प्रवर्तन निदेशालय नै गिरफ्तार करी लैता हा।

<><><><><><>

## SC-Kavita

सुप्रीम कोर्ट नै दिल्ली शराब नीति मामले च पिच्छले हफते गिरफ्तार होई दी भारत राश्ट्रीय समिति दी नेता के. कविता होरें गी कुसै चाल्ली दी राहत देने थवां इंकार करी दिता ऐ। सुप्रीम कोर्ट नै कविता गी हेठली अदालत च जाने लेई गलाया ऐ। न्यायाधीश संजीव खन्ना, एम.ए सुन्दरेश ते बेला त्रिवेदी दी इक खास पीठ नै उंदी याचिका पर सुनवाई करने थवां इंकार करदे होई आखेआ जे उनें नीति दा पालन करदे होई हेठली अदालत सोयां राहत मंगनी लोड़चदी।

<><><><><><>

## NiBihar-Diwas

बिहार अज्ज अपना 112मां स्थापना दिवस मना रदा ऐ। अज्जै दे गै दिन 1912 च बंगाल सोयां बक्ख करिए बिहार राज्य दा गठन कीता गेआ हा। राष्ट्रपति, उपराष्ट्रपति ते प्रधानमंत्री ते प्रधानमंत्री होरें बिहार दे स्थापना दिवस पर उत्थुआं दे लोकें गी बदाई दिती ऐ। सोशल मीडिया पोस्ट च राष्ट्रपति द्रौपदी मुर्मू होरें आखेआ जे बिहार भारतीय संस्कृति ते शिक्षा दा ऐतिहासिक केंद्र रेहा ऐ। उपराष्ट्रपति जगदीप धनखड़ होरें आखेआ जे असंगी आत्मज्ञान दी धरती बिहार दे महत्वपूर्ण योगदान ते समृद्ध सांस्कृतिक विरासत दा जशन मनाना लोड़चदा। प्रधानमंत्री होरें आखेआ जे बिहार अपनी सांस्कृतिक विरासत ते विशालता आस्तै दुनिया च बक्खरी थाहर रक्खदा ऐ।

<><><><><><>

## PM-Water Day

प्रधानमंत्री नरेंद्र मोदी हों आखेआ ऐ जे सरकार टिकाऊ जल प्रबंधन दी दिशा च कम्म करने लेई बचनबद्ध ऐ। अज्ज पानी सरबन्धी कुल संसारी ध्याड़े दे मौके पर सोशल मीडिया दी इक पोस्ट च श्री मोदी हों आखेआ जे पानी सब्बनें जिंदगिएं लेई अत लाजमी ऐ ते सरकार इस बेशकीमती संसाधन दी हिफाजत लेई बचनबद्ध ऐ।

<><><><><><>

## EC-Roll

चुनांs आयोग लोकसभा चुनां दी त्थारिएं च लग्गे दा ऐ। आजाद ते निर्पक्ख चुनांs आस्तै आयोग नै 2 जहार इक्क सौ निगराने दी टीम तैनात कीती दी ऐ। एह निगरान मुख्य भरै च जिला चुनांs अधिकारिएं ते

रिटर्निंग अफसरें पर निगरानी रक्खोग। इंदा मुख  
मकसद चुनांस प्रक्रिया गी आजाद, निर्पक्ख ढंग्गै सिर  
करोआना ऐ। एह लोक सुरक्षा बलें दी तैनाती ते होर दुए  
कम्में कारवाइएं दा जायजा लैग। पारदर्शिता ते जवाबदेई  
यकीनी बनाने लेई एह निगरान तय हल्कें च गै रौहडन।  
चुनांस प्रक्रिया गी सुचारू ते व्यवस्थित ढंग्गै सिर  
करोआने लेई एह निगरान सियासी पार्टिएं ते मेदवारें  
कन्नै बैठका लाडन।

<><><><><><>

### **ISRO-Pushpak**

भारती अंतरिक्ष अनुसंधान संगठन - इसरो नै अज्ज  
बड़लै कर्नाटक दे चित्रदुर्ग परीक्षण रेंज पर अपने  
परतियै इस्तेमाल होई सकने आहले 'Reusable Launch  
Vehicle' गी कामयाबी कन्नै हेठ स्तर पर तोआरेया।

इसरो दे अध्यक्ष एम. सोमनाथ होरें सोशल मीडिया साईट 'एक्स' पर इक संदेश च अंतरिक्ष यान गी पूरी चाल्ली आटोमेटिक तरीके कन्नै चलाने, हेठ सतह पर तोआरने ते उर्जा प्रबंधन लेई इसरो दी टीम गी मुबारकबाद दिती। इसरो नै अंतरिक्ष यान RLV-LEX-02 दी कामयाब लैंडिंग दे कन्नै नेवीगेशन, नियंत्रण प्रणाली, लैंडिंग गियर ते रफ्तार गी घट्ट करने आली प्रणालिएं दे खेतर च स्वदेशी तकनीकें गी इक बारी फी स्थापित कीता ऐ। लांच व्हीकल पर कीते गेदे टेस्ट च इसरो नै कामयाबी कन्नै ब्रेक पैराशूट, लैंडिंग गियर ब्रेक, स्टेयरिंग प्रणाली ते नेवीगेशन हार्ड वेयर ते साफ्टवेयर दी कामयाब आजमाईश कीती ऐ।

<><><><><><>

**Anurag-Pushpak**

सूचना ते प्रसारण मंत्री अनुराग सिंह ठाकुर होरें पुष्पक (RLV-TD) दी कामयाब लैंपिंग लेई इसरो दे साईसदानें गी मुबारकबाद दिती ऐ। सोशल मीडिया दी इक पोस्ट च ठाकुर होरें आखेआ जे प्रधानमंत्री नरेंद्र मोदी हुंदे नेतृत्व तैहत भारत नै इस कामयाबी दे कन्नै अंतरिक्ष दी खोज सरबंधी खेतर दी अगुवाई दी अपनी बचनबद्धता गी दर्शाई दिता ऐ। उनें आखेआ जे स्हाड़े साईसदानें दी समर्पण भावना ते किश नमां करी दस्सने दा जज्बा बड़ा सराहनेजोग ऐ ते एह् अंतरिक्ष दी खोज सरबंधी खेतर च नमीं ऊंचाइयां हासिल करने च मुख्य दी मदाद करै करदा ऐ।

<><><><><><>

**BJP-List**

भारती जनता पार्टी नै लोकसभा चुनांs आस्तै अज्ज 15 मेदवारें दी चौथी सूचि जारी कीती। एह मेदवार पुदुचेरी ते तमिलनाडू संसदीय क्षेत्र सोयां न। एहदे थवां पैहले पार्टी नै आम चुनाएं आस्तै 276 मेदवारें दी सूचि जारी कीती ही।



### **Uttarakhand Election-Update**

उत्तराखमं च भारती जनता पार्टी दे मेदवारें अल्मोड़ा ते हरिद्वार लोकसभा सीट सोयां नामांकन भरे। अल्मोड़ा सोयां अजय टमटा नै मुखमंत्री पुष्कर सिंह धामी ते पार्टी कारजकर्ताएं दी मौजूदगी च पर्चा भरेआ। हरिद्वार लोकसभा क्षेत्र सोयां मेदवार साबका मुखमंत्री त्रिवेंद्र सिंह रावत होंरें पिजिटली नामांकन भरेआ। खानपुर विधानसभा सीट सोयां आजाद विधायक उमेश कुमार

होरें कल हरिद्वार लोकसभा सीट सोयां नामांकन भरेआ। इस्सै दौरान कांग्रेस दे मेदवारें अजे तगर नामांकन पत्र नेई भरे दे न। उत्तराखण्ड अजे 5 लोकसभा सीटें आस्तै पैहले गैड च 19 अप्रैल गी मतदान होना ऐ।

<><><><><><>

### **Holi-Metro**

होली दे त्यौहार गी दिक्खदे होई दिल्ली मेट्रो सेवा दपैहरी ढाई बजे तगर उपलब्ध नेई होग। दिल्ली मेट्रो रेल कारपोरेशन मूजब एह सेवा 25 मार्च गी ढाई बजे शुरू होग ते फीह सामान्य ढंगगै सिर जारी रौहडन।

<><><><><><>

### **IMD-Weather**

भारती मौसम विभाग नै इस म्हीने दी 26 तरीक तगर पूर्वोत्तर च भारी बरखा ते गरज चमक कन्नै बरखा पौने दी पेशगोई कीती ऐ। मौसम विभाग अरूणाचल प्रदेश, असम, मेघालय, नागालैं, मणिपुर, मिजोरम, त्रिपुरा, सिक्किम ते पच्छिम बंगाल दे किश हिस्सें च अगले 5 दिनें तगर बरखा, गरज-चमक होने दी पेशगोई कीती ऐ। पंजाब, हिमाचल प्रदेश, उत्तराखं, जम्मू-कश्मीर ते लद्दाख च कल हल्की बरखा ते बर्फबारी होई सकदी ऐ। मौसम विभाग नै आखेआ ऐ जे आंध्र प्रदेश, केरल च अगले 5 दिनें दौरान गर्मी ते हुम्म बने दा रौहग।

<><><><><><>